



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MDLX. ad annum MDCXXIII.

**Parisiis, 1644**

Edictvm De Concilio Provinciali V.

**urn:nbn:de:hbz:466:1-15522**

CONCILIVM MEDIOLANENSE V.  
PROVINCIALE.

Quod Carolus Borromæus sanctæ Romanæ ecclesiæ cardinalis tituli sanctæ Praxedis, archiepiscopus Mediolensis, habuit anno a Christo nato MDLXXIX. Gregorio XIII. pontifice.

## EDICTVM DE CONCILIO PROVINCIALI V.

*In nomine sanctæ & indiuiduæ Trinitatis, Patris & Filii  
& Spiritus sancti. Amen.*

*Carolus Borromæus sanctæ Romanæ ecclesiæ tituli sanctæ Præxedis presbyter cardinalis, Dei & apostolicæ sedis gratia archiepiscopus sanctæ Mediolanensis ecclesiæ, vniuersis prouincie nostræ fidelibus salutem in Christo Domino.*

**V**INEÆ dominicæ cultura cum in omni alio pastoralis sollicitudinibus officio eniteat, tum valde etiam in Conciliis prouincialibus, ad Tridentinæ sanctionis præscriptum tertio quoque anno celebrandis. Nos igitur pro archiepiscopalibus officiis nostri cura, quæ progreffionibus suis tota ad optimam pascendi rationem spectare debet, iam in Synodo prouinciali quarta, quam ex illius Concilii sanctione anno 1576. habuimus, decreto promulgato, Concilium prouinciale quintum denuntiauimus, atque indiximus: quod, auxiliante Dei misericordia, hoc anno, die 7. mensis Maii, de more celebratur sumus. Ea porro indictio, & iure Canonum, & decreto prouinciali communita, licet tantum roboris, viriumque omnino habeat, quantum illa, quæ edicto publico fieri solet: tamen, cum in lucem typis nondum emissâ sit, & tempus, atque adeo stata dies eiusdem Concilii quinti tunc indicti, iam instet; id propterea, ne cuiquam quicumque ratione potest, ac debet, vel rei ignorantia ad excusationem vti, vel se contemptum, neglectumve esse dicere liceat: nos vniuersis & singulis, qui iure, aut consuetudine, aut priuilegio, aut electione sua, suorumve prædecessorum, aut alia quacumque ratio-

ANNO  
CHRISTI  
1575.

ANNO  
CHRISTI  
1579.  
ne ad prouinciales nostras Synodos conuenire debent, aut possunt, hoc etiam edicto publice proposito, eamdem quintam prouincialem Synodum, in superiori illo prouinciali Concilio I V. iam indictam, significamus, denuntiamus, atque indicimus.

Quamobrem cum vniuersos & singulos reuerendissimos episcopos prouinciae nostrae, cum ceteros omnes, qui cumque sunt, qui, ut supra, in Concilio prouinciali Mediolanensi quacumque ratione interesse debent, præter illud inductionis decretum, & literas nominatim sigillatimque eisdem reuerendissimis episcopis per nos scriptas, hoc etiam archiepiscopali edicto illud monemus, ut eo ipso constituto, septimo mensis Maii proxime sequentis die, Mediolanum in basilicam nostram metropolitanam conueniant, & in Concilio, quod eo ipso die, summo mane, iuuante Domino, inchoabimus, præsentes ipsi adsint, pœnis & censuris propositis, Canonum iure sancitis.

Curent porro singuli prouinciales nostri episcopi, ut, quod Concilio altero Mediolanensi sancitum est, cum pri-  
mum edictum hoc acceperint; quinta quaque feria Missæ  
sacrum tum a singulis sacerdotibus, tum solenniter colle-  
giatim in cathedrali & collegiatis ecclesiis, de Spiritu san-  
cto celebretur, vel, si pro ratione officii hoc non potest,  
saltem commemoratio fiat; ac præterea singulis diebus do-  
minicis & in illis & in omnibus parochialibus ecclesiis, ad  
implorandum in ea conciliari tractatione Spiritus sancti  
lumen, processio, litaniæ, ac preces habeantur. Idque per-  
agatur, ac præstetur, quoad Concilium de more absolu-  
tum & dimissum erit.

Cum autem conciliaris hæc actio, a nobis indicta, præ-  
cipuum quoddam caritatis & pietatis studitum a prouin-  
ciæ nostræ fidelibus postulet; illud etiam curet unusquisque  
prouincia nostræ episcopus, ut singulis ante Concilii  
diem constitutam dominicis diebus, per parochos & con-  
cionatores excitentur eius rei causa fideles ad frequentius  
sanctæ orationis studium; ad idque vehementer omnes in-  
flammentur, ut die dominico, statam Concilii diem pro-  
xime antecedente, vere pœnitentes & confessi, sacram  
communionem sumant, hoc præcipue precantes, ut adiu-  
trice Dei gratia, quæ ad suam & ad illorum, quorum cu-

Ooo iii

478 GREGORIVS P. XIII. CONCILIVM RODVLPHVS II.  
IMP.

rx commissi sunt, salutem pertinent, pia religiosaque soli-  
citudine in Concilio agantur.

Quo religiosius autem abiis, qui ad Concilium conue-  
niunt, in eam actionem incumbatur, ecclesiastici ordinis  
homines, & quos vna secum ad Synodum prouincialem  
episcopi conduixerint, & quos capitula miserint, & testes  
synodales, & ceteri tum sacerdotes, tum clericci, quicun-  
que venerint; ii omnes & singuli antequam in viam se dent,  
peccata confessi, sacerdotes Missæ sacrum celebrare, cle-  
rici sanctissimam eucharistiam sumere ne omittant. In qua-  
rum rerum fidem & testimonium, hoc edictum confici,  
auctoritateque nostra imprimi, & sancti Ambrosii sigillo ar-  
chiepiscopali nostro muniri, tum nostra etiam manu signa-  
tum, in vulgus publice proponi, eidemque a vicecancel-  
lario nostro archiepiscopali subscribi voluimus. Data Me-  
diolani in ædibus nostris archiepiscopalibus pridie Idus  
Martii 1579.

ORATIO CAROLI CARDINALIS  
TITVLI SANCTÆ PRAXEDIS,  
ET ARCHIEPISCOPI MEDIOLANENSIS,

*Habita in prouinciali Concilio V.*

I AM ex euangelio, quod modo audistis, patres reueren-  
ti dissimi, optime intelligitis, apostolos a Christo Domino  
conuocatos, & ad prædicationem regni cælestis missos esse  
cum potestate sanandi morbos, depellendique dæmones.  
Sunt etiam vobis ex euangelica illa commemoratione per-  
spectæ eius apostolicæ legationis apostolicique officiū leges,  
ore diuinæ sapientiæ præscriptæ, rursusque cognitum stu-  
dium quod summum in illis exequendis apostoli magna  
cum omnium admiratione præstiterunt. Cum autem hoc  
ipso tempore clerus populusque hic Mediolanensis vos,  
qui apostolorum successores estis, ex legibus Christi Do-  
mini Spiritu in sacro Tridentino Concilio decretis, conuocatos,  
vna tecum ad Concilium prouinciale quintum  
concelebrandum conuenisse cernit; is modo illius aposto-  
licæ conuocationis & legationis, quæ euangelicis verbis  
commemorata est, quasi speciem quamdam ob oculos pro-  
positam intuetur. Christus enim Dominus cum videret eo